

Broj: 05-3065-6/22
Sarajevo, 22.08.2022. godine

Na osnovu člana 23. Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka g) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 69. stav (1) tačka a), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14) i člana 10. stav (1) Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“, broj: 66/16), a na osnovu preporuke Komisije za nabavke iz Zapisnika o pregledu i ocjeni ponuda broj: 05-3065-5/22 od 19.08.2022. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 05-3065-5/22 od 19.08.2022.godine i ugovor za nabavku usluga fizičke zaštite poslovnih prostorija za potrebe Agencije za bankarstvo Federacije BiH (u daljem tekstu: Ugovorni organ) dodjeljuje se najpovoljnijem ponuđaču „UNILAB“ d.o.o. Sarajevo.

Član 2.

Ukupna vrijednost ugovora iz člana 1. ove Odluke utvrđuje se u iznosu od 15.330,00 KM bez uračunatog poreza na dodanu vrijednost (PDV), što sa uračunatim PDV-om iznosi 17.936,10 KM.

Član 3.

Nakon sticanja uslova Ugovorni organ će sa izabranim ponuđačem zaključiti ugovor o nabavci usluga, kojim će regulisati međusobna prava i obaveze.

Član 4.

Odluka će biti objavljena na internetskoj stranici Ugovornog organa: www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.

Član 5.

Za izvršenje ove Odluke zadužuje se i ovlašćuje Sektor zajedničkih funkcija.

Član 6.

Ova Odluka stupa na snagu danom donošenja.

OBRAZLOŽENJE

Odlukom o pokretanju postupka nabavke usluga, broj: 05-3065/22 od 22.07.2022. godine, odobreno je provođenje postupka javne nabavke usluga fizičke zaštite poslovnih prostorija za potrebe Agencije za bankarstvo Federacije BiH. Javna nabavka provedena je u skladu sa odredbama Pravilnika o postupku dodjele ugovora o uslugama iz Aneksa II. dio B. Zakona o javnim nabavkama („Službeni glasnik BiH“, broj: 66/16). U skladu s odredbom člana 7. stav (3) Pravilnika o postupku dodjele ugovora o uslugama iz Aneksa II. dio B Zakona o javnim nabavkama, Ugovorni organ je pripremio i objavio Poziv za dostavu ponuda na svojoj internetskoj stranici, te istovremeno isti uputio na tri adrese. Procijenjena vrijednost nabavke utvrđena je u iznosu od 16.800,00 KM bez poreza na dodanu vrijednost (PDV-a).

Posebnim Rješenjem broj: 05-3065-2/22 od 05.08.2022. godine, imenovana je Komisija za javne nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.

Slijedom navednog, Komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda, broj: 05-3065-2/22 od 19.08.2022. godine, u kojem je utvrđeno da su po predmetnom postupku nabavke evidentirane 2 (dvije) pravovremeno pristigle ponude od strane ponuđača „UNILAB“ d.o.o. Sarajevo i Agencija za zaštitu ljudi i imovine „Sword Security“ d.o.o. Sarajevo.

Na osnovu izvršene analize i ocjene pristiglih ponuda od strane navedenih ponuđača u pogledu kvalifikacijskih uslova javne nabavke, Komisija je utvrdila da iste ispunjavaju sve uslove i zahtjeve iz Poziva za dostavu ponuda, broj nabavke: 05-3065/22. Slijedom navedenog Komisija je dala preporuku da se ponuđaču „UNILAB“ d.o.o. Sarajevo, saglasno članu 64. stav (1) tačka b) Zakona o javnim nabavkama, dodijeli ugovor za javnu nabavku predmetnih usluga, obzirom da je navedeni ponuđač dostavio ponudu koja u cijelosti ispunjava uslove zadane Pozivom za dostavu ponuda, te je ista najpovoljnija u skladu sa zadanim kriterijem za dodjelu ugovora.

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda u skladu sa kriterijima iz Poziva za dostavu ponuda.

Slijedom navedenog, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, u skladu s odredbama članova 99. i 101. Zakona o javnim nabavkama („Službeni glasnik BiH“, broj: 39/14).


DIREKTOR
Jasmin Mahmutić

Dostaviti:

- Ponuđačima koji su učestvovali u postupku nabavke;
- Sektor zajedničkih funkcija;
- a/a.